



Universiteti Bujqësor i Tiranës



Bashkia Librazhd

Nr. 54 Prot. dt. 05.03.2024

Nr. 679 Prot. dt. 05.02.2024

MARRËVESHJE BASHKËPUNIMI

E lidhur sot më date/...../...../2024, ndërmjet **Universitetit Bujqësor të Tiranës (UBT)** përfaqësuar nga **Rektori, Prof. Dr. Fatbardh Sallaku**, dhe **Bashkia Librazhd**, përfaqësuar nga **Kryetari Z. Mariglen Disha**. Nisur nga qëllimi për të forcuar dhe thelluar marrëdhëniet ndërmjet dy insitucioneve, bien dakord si më poshtë:

Neni 1

Baza ligjore

Kjo marrëveshje mbështetet në nenin 3 të ligjit Nr. 80/2015 "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë" dhe neni 2 pika 6 e Statutit të UBT, VKM nr 188, datë 13.3.2019, "Për ofrimin nga institucionet publike të arsimit të lartë të shërbimeve, në përputhje me veprimtarinë e tyre, për institucionet e qeverisjes qendrore dhe institucionet në varësi të tyre" dhe Ligjin Nr 139/2015 "Për Vetqeverisjen Vendore", kreu III, Neni 8 dhe 9.

Neni 2

Qëllimi i Marrëveshjes

Qëllimi i kësaj marrëveshjeje është institucionalizimi i bashkëpunimit ndërmjet Universitetit Bujqësor të Tiranës (UBT) dhe Bashkisë Librazhd në fushën e bujqësisë, blegtorisë, akuakulturës, teknologjive ushqimore, agroturizmit, pylltarisë, si dhe ruajtjen, menaxhimin dhe përdorimin e qëndrueshëm të mjedisit, tokës bujqësore, pyjeve dhe liqeneve. Secili institucion do të caktojë një person përgjegjës për bashkëpunimin, i cili do të referojë tek autoritetet drejtuese kompetente aktivitetet e bashkëpunimit.

Neni 3

Angazhimet e palëve

Bashkia Librazhd angazhohet në përfshirjen e ekspertëve të Universitetit Bujqësor të Tiranës në përputhje me nevojat e saj në gjitha fushat e bashkëpunimit me interes reciprok.

Me qëllim që të arrihen objektivat e sipërpërmendura, të dyja institucionet angazhohen të sigurojnë mjetet e nevojshme, sipas normave në fuqi. Shpenzimet, e identifikuar me mirëkuptim, do të mbulohen nga buxheti i institucioneve të përfshira në këtë marrëveshje ose edhe nga burime të tjera

Neni 4

Kohëzgjatja

Kjo marrëveshje do të ketë një kohëzgjatje prej **4 (katër) vjetësh** nga data e nënshkrimit nga ana e drejtuesve të dy Institucioneve.

Neni 5

Përgjegjësitë e Palëve

1. Bashkia Librazhd angazhohet që do të kontraktojë **Universitetin Bujqësor të Tiranës** (Fakultetet/Departamentet) në kryerjen e shërbimeve të mëposhtme:


- Kryerjen e studimeve për rajonizimin e kulturave bujqësore në Bashkinë Librazhd
- Praktikat me të mira në përdorimin e tokës bujqësore dhe orientimi drejt bujqësisë organike dhe konsolidimit të kulturave bujqësore
- Praktikat me të mira në përdorimin e tokës bujqësore me qëllim reduktimin e erozionit dhe rreziqeve të tjera mjedisore
- Vlerësimi i gjëndjes së rrjetit kullues dhe skemave të vaditjes dhe vënia e tij në efikasitet të plotë
- Monitorimi i cilësisë së ujërave në Bashkinë Librazhd
- Studime për praktikat me të mira bujqësore, miqësore me mjedisin që sigurojnë prodhim të qëndrueshëm
- Hartimin e planeve të rehabilitimit të sipërfaqeve të djegura ose djerrë
- Mbeshtetje për hapjen e shkollës profesionale për specialistët në fushën e bujqësisë
- Hartimi i projektit për rehabilitimin e kanaleve vaditëse dhe rezervuarve ujëtarë në bashkinë Librazhd
- Hartimi i projektit për rehabilitimin mjedisor në pjesën veriore të qytetit dhe kthimin e tyre në zone shërbimesh ose rezidenciale
- Hartimi i planit për menaxhimin e pyjeve dhe kullotave në territorin e bashkisë Librazhd
- Hartimi i projekteve operative për zbatimin e planit të menaxhimit të pyjeve dhe kullotave

2. UBT ka detyrimin që të angazhojë specialistët më të mirë të fushës dhe të sigurojë produkte apo shërbime sipas nevojave që ka Bashkia Librazhd. Po kështu, **UBT** angazhohet të organizojë trajnime, seminare dhe workshope të përbashkëta që lidhen me zhvillimin e qëndrueshëm të bujqësisë, agroturizmit, pylltarisë etj.

Neni 6

Veprimtaritë e përbashkëta

Palët do të bashkërendojnë përpjekjet e tyre për hartimin e projekteve dhe studimeve në fushat e lartpërmendura me qëllim sigurimin e mbështetjes financiare nëpërmjet aplikimit të projekteve tek donatorë të ndryshëm.



Fakultetet e UBT dhe Drejtorite e Bujqësisë dhe Pyjeve të Bashkisë Librazhd angazhohen të kordinojnë aktivitetet që lidhen me zhvillimin e bujqësisë, pylltarisë dhe mjedisit në territorin e njësisë vendore.

Neni 7

Shkëmbimi i Informacionit

UBT dhe Bashkia Librazhd sigurojnë dhe shpërndajnë informacion me synim rritjen e vlerës së përdorimit të njësive agroturistike në Bashkinë e Librazhd

Neni 8

Zgjidhja e mosmarrëveshjeve

Mosmarrëveshjet që mund të lindin midis palëve, do të zgjidhen në frymën e mirëkuptimit dhe me bisedime ndërmjet tyre.

Neni 9

Dispozita të fundit

Marrëveshja hartohet në 2 kopje, dhe mund të rinovohet vetëm me dakortësinë e të dyja palëve. Ndryshimet, përmirësimet ose anulimi i kësaj marrëveshje bëhet me pëlqimin e të dy palëve duke njoftuar paraprakisht me shkrim jo më pak se 2 muaj përpara.

Universiteti Bujqësor i Tiranës

Rektori

Prof.Dr. Fatbardh SALLAKU



Bashkia Librazhd

Kryetari

Z. Mariglen DISHA

